



**Claudii Fleurii Abbatis Historia Ecclesiastica**

Ab anno Christi 1400. usque ad annum 1415 - Unacum Dissertatione  
Præliminari Ad Historiam Sæculi XV.

**Fleury, Claude**

**August. Vind. [u.a.], 1767**

**VD18 90118286**

§. 70. Epistola Benedicti ad Gregorium Papam.

---

[urn:nbn:de:hbz:466:1-66281](#)

**Sæcul. XV.** confirmavit, declaravitque, pro reformatio-  
**A. C. 1407.** nione Ecclesiæ in suo Capite, ac membris  
 Universale Concilium convocabandum esse;  
 & generalem obedientiæ subtractionem  
 decernendam, ita tamen, ut nec Bene-  
 dictus, nec Gregorius tanquam summi  
 Pontifices colerentur; interea temporis  
 Ecclesiam Gallicanam priscis suis usuram  
 libertatibus, secundum juris communis  
 præscripta, prout durante prima sub-  
 tractione observatum, deinceps regen-  
 dam. Omnibus ita absolutis solemnis  
 instituta est supplicatio, cui sexaginta sex  
 Episcopi cum ingenti Abbatum numero  
 intererant. Executio tamen præfati de-  
 creti ad tempus suspensa permanxit, in-  
 genti rerum vicissitudine interim Ro-  
 mæ suborta.

## §. LXX.

*Epistola Benedicti ad Gregorium  
Papam.*

Niem de  
Schism. l. 3.  
c. 13.

Benedictus Epistola Gregorii vix acce-  
 pta, confessim rescribit, & dilaudato  
 sancto illius proposito constantiam com-  
 mendat, declarans, se quoque haud se-  
 gniori ac ipsum animi studio schismatis  
 extinctionem peroptare, atque ad ac-  
 celерandum hocce negotium se esse prom-  
 ptissimum, ideoque ad eundem cum illo  
 locum

locum utriusque cominodum brevi ventu-  
rum, ac de unione Ecclesiæ acturum, i-  
bidemque sub propositis conditionibus ju-  
ri suo renuntiaturum. Tandem etiam  
insinuat, se summo desiderio Gregorii Le-  
gatos exspectare, & hunc in finem iis-  
dem securitatis literas transmittere.  
Hæc Epistola data est Massiliæ apud S.  
Victorem trigesima prima Januarii. Car-  
dinales Gregorii literas unacum Bene-  
dicti responsoriis ad Bituricum Ducem  
mittunt, simulque suam adjiciunt episto-  
lam, qua Ducem exorant, ne, cum semel  
de mutuo utriusque Competitoris con-  
gressu feliciter conventum esset, quic-  
quam isque ad illud tempus vel in favo-  
rem Gregorii, vel in odium Bonifacii de-  
cerni pateretur.

### §. LXXI.

#### *Literæ publicæ Galliarum Regis.*

Carolus VI Galliarum Rex, comperta  
utriusque Pontificis prompta ad ce-  
dendum voluntate, edicti sui executio-  
nem suspendit, atque legationem maxi-  
me solemnem ad utrumque decernit.  
Prius vero, quam id fieret, ad omnes  
Christi fideles Regias expedivit literas,  
quibus eosdem certiores reddidit, se ad  
Benedictum & Gregorium utpote cessio-  
nis viam amplectentes, suos missurum

Lega-

*Niem in  
nem. unionis  
pag. 203.*